



分類補註李太白詩卷之八



歌吟

五十三首

秋浦歌十七首

秋浦長似秋蕭條使人愁

士贊曰：秋浦，隋縣名，唐置池。

客愁不可度，行上東大樓。正西望長安，下

見江水流。寄言向江水，汝意憶儂不。遙傳一

掬淚為我達揚州。

士贊曰：兩手曰掬。

其二

秋浦猿夜愁黃山堪白頭清溪非隴水翻作

斷腸流

齊賢曰九域志池州貴池縣有清溪鎮浮丘公與黃帝遊黃山駐天都峯

今有浮丘仙壇欲去不得去薄遊成久遊何年是歸

日雨淚下孤舟

其三

秋浦錦駝鳥人間天工稀山雞羞淥水不敢

照毛衣

齊賢曰虞衡志南中有一錦雞一名金雞形如小雞項鬃毛金色身紅黃

相間極有文彩目微白湖南北亦有之意錦駝即此類也博物志山雞有美毛自愛其色

終日映水目眩則溺死王績曰此形容錦駝鳥之美山雞之所不如也

其四

兩鬢入秋浦一朝颯

悉合切

已衰猿聲催白髮

長短盡成絲

其五

秋浦多白猿超騰若冰雪牽引條上兒飲弄

水中月

齊賢曰蜀都賦猿狖超騰而競捷

其六

愁作秋浦客強看秋浦花山川如劍縣風日

似長沙齊賢曰越州東南二百八十里有刻

之美顧云千巖競秀萬壑爭流草木蒙籠其上若雲興霧蔚唐潭州長沙郡治長沙縣

其七

醉上山公馬寒歌窸戚牛空吟白石爛淚滿

黑貂裘士贊曰山簡事見五卷註窸戚歌事見四卷鞠歌行註

其八

秋浦千重嶺水車嶺最奇天傾欲墮石水拂

生枝

齊賢曰列子天傾西北士贊曰秋浦

大小泉九十一而半巖為勝秋浦千重嶺而

水車嶺為最奇巖壁之號十五而有待為大

壑之號九而上清為最洞之號十四而潛虬

為奇又有洞五曰半巖曰寄隱曰子招曰妙

其九

江祖一片石青天掃畫屏題詩留萬古綠字

錦苔生

奉曰翠微翠微特高尤宜登眺則知太白之

詩為紀實宋詩人郭詳正嘗追和秋浦歌亦

稱此曰萬丈水車嶺還如九疊屏北風

來不斷六月亦生水寄生枝見六卷註

其十

千千石楠樹萬萬女貞林山山白鷺滿澗澗

白猿吟君莫向秋浦猿聲碎客心

齊賢曰尸子曰土積

則生梗楠陶隱居云石楠葉如枇杷張揖曰女貞木葉冬不落

其十一

邏人橫鳥道江祖出魚梁水急客舟疾山花

拂面香

士贊曰新安郡志自睦州青溪縣界至歙州皆鳥道縈紆

其十二

水如一匹練此地即平天耐可乘明月看花

上酒船

其十三

淶水淨素月月明白鷺飛郎聽採菱女一道

夜歌歸

士贊曰楚辭涉江採菱發陽阿

其十四

爐火照天地紅星亂紫煙赦郎明月夜歌曲

動寒川

齊賢曰此言方士煉丹爐火熾然照曜天地時有紅星紛起於紫煙之中

被亦赧面愧赤乃版反猶言愧汝明月之夜
歌曲之聲振動寒川也士贊曰爐火恐只漁
人之火子見以為
煉丹之火恐非是

其十五

白髮三千丈綠愁似箇長不知明鏡裏何處

得秋霜士贊曰此詩帶形泥跡之人多致疑

形容耳觀者當不以文害辭不以辭害意可也第二句云綠愁似箇長意亦可見後聯云不知明鏡裏何處得秋霜活活脫脫真作家手段也

其十六

秋浦田舍翁採魚水中宿妻子張白鸚結罟

映深竹士贊曰田舍翁謂農父也釋文白鸚

形似雉白花紋而尾長兔網曰罟此乃刺時之詩謂夫妻固利於水陸之間生意盡矣奇興深遠觀者留意毋忽

其十七

桃波一步地了了語聲聞閤與山僧別低頭

禮白雲齊賢曰漢食貨志六尺為步

當塗趙炎少府粉圖山水歌

峨眉高出西極天羅浮直與南溟連士贊曰

見前三卷詩註雲笈七籤羅浮山高三千六百丈洞周迴五百里名朱明耀真之天是蓬萊之一島也堯時洪水浮海而來箔於羅山二山相合故曰羅浮山即抱朴子葛洪煉丹得道處

名公繹思揮彩筆驅山走海置眼前滿

堂空翠如可掃赤城霞氣蒼梧煙齊賢曰孔靈符會稽

記赤城山色皆赤城似雲霞懸溜千仞謂之瀑布九疑山一名蒼梧山在道州寧遠南六十

里洞庭瀟湘意渺綿三江七澤情洄沓驚濤

洶湧向何處孤舟一去迷歸年征帆不動亦

不旋飄如隨風落天邊心搖目斷興難

時可到三山巔齊賢曰逆流而上曰洄順流而下曰沓洞庭瀟湘見前卷

西峰崢嶸噴流泉橫石蹙水波潺湲東厓含

脊蔽輕霧深林雜樹空芊綿此中冥昧失晝

夜隱几寂聽無鳴蟬長松之下列羽客對坐

不語南昌僊南昌僊人趙夫子妙年歷落青

雲士訟庭無事羅衆賓杳然如在丹青裏五

色粉圖安足珍真僊可以全吾身齊賢曰梅福為南昌尉後棄官歸壽春王莽專政一朝棄妻子去

九江至今傳以為仙其後有見福於會稽者

變姓名為吳市門卒云若待功成拂衣去武

陵桃花笑殺人事並見二卷註

永王東巡歌十一首按此詩止當十

賈之作王贊曰永王璘少失母肅宗自養視之長聰敏好學貌陋甚不能正視既封領荊州大都督安祿山反帝至扶風詔璘即日赴鎮俄又領山南江西嶺南黔中四道節度使少府監竇昭為副璘至江陵募士得數萬補署即官御史時江淮租賦鉅億萬在所山委璘生宮中於事不通曉見富且強遂有窺江左意肅宗聞之璘還觀上皇于蜀璘不從其子襄

王楊剛鷲乏謀亦樂亂勸璘取金陵即引舟師東下甲士五千趨廣陵以渾惟明李廣琛高仙琦為將然未敢顯言取江左也會吳郡採訪使李希言平牒璘因發怒曰寡人上皇子皇帝弟地尊禮絕今希言乃平牒抗威落筆署字何耶乃使惟明襲希言而令廣琛趨廣陵攻採訪使李成式璘至當塗希言已屯丹陽遣將元景擢等拒戰不勝降於璘江淮振動明年肅宗遣宦者啖延瑤等與成式謀招諭之時河南招討判官李銑在廣陵有兵千餘廷瑤邀銑屯楊子成式又遣裴戎以廣陵卒三千戍伊婁張旗幟大閱士璘與楊登俾望之有懼色廣琛知事不集謂諸將曰與公

等從王豈欲反邪上皇播遷道路不通而諸子無賢於王者如總江淮銳兵長駟雍洛大功可成今乃不然使吾等名挂叛逆如後世何衆許諾遂割臂盟於是惟明奔江寧馮季康奔白沙廣琛以兵六千奔廣陵璘使騎追躡之廣琛曰我德王故不敢決戰逃命歸國耳若逼我且決死追者止乃免是夜銑陣江北夜然東葦人執二炬影亂水中覘者以倍告璘軍亦舉火應之璘疑王師已濟携兒女及麾下遁去遲明覺其給復入城具舟楫使楊駟衆趨晉陵謀者告曰王走矣成式以兵進先鋒至新豐陵使楊仙琦逆聲之銑合勢張左右翼射楊中肩軍遂敗仙琦與璘奔鄱陽司馬

閉城拒璘怒焚城入之收庫兵掠餘千將南走嶺外皇甫侁兵追及之戰大庾嶺璘中矢被執侁殺之楊為亂兵所害仙琦逃去璘未敗時上皇下詔降為庶人徙置房陵及死侁送妻子至蜀上皇哀悼久之肅宗以少所自鞠不宣其罪謂左右曰皇甫侁執吾弟不送之蜀而擅殺之何耶由是不復用薛鏐等皆伏誅子憤為餘姚王偵莒國公儼邨國公伶儀並國子祭酒

永王正月東出師天子遙分龍虎旗樓船一舉風波靜江漢翻為鴈鷺池

齊賢曰通鑑天寶十五載十月

甲子太子即位于靈武改元至德丁卯上皇制以璘為山南東道嶺南黔中江南四道節度使十一月璘至江陵十二月甲辰璘擅引舟師東巡太白時卧廬山璘道致之璘敗丹陽太白奔亡至宿松石林燕語節度使旌節開旗二龍虎旌一節一麾槍一豹尾二凡入物王贊曰爾雅釋名熊虎為旗將軍所建象其猛如龍虎也此詠永玉出師首篇表之以天子遙分龍虎旗者夫子作春秋書王之也太白忠君之心於此可見百世之下未有發明之者故書于此

其二

三川北虜亂如麻四海南奔似永嘉齊賢曰九域志

鄜州洛郊縣有三川鎮時祿山據洛陽陷長安北虜即祿山也王贊曰永嘉晉懷帝年號時五胡亂華劉聰稱帝於平陽五年劉曜王彌陷京師懷帝蒙塵於平陽中原衣冠之族並南奔避但用東山謝安石為君談笑靜胡亂於江左謝安高卧東山事見七卷註晉書沙謝安傳時符堅率眾百萬攻于淮淝京師震恐加安征討大都督安夷然無恐色旋命駕出山墅親朋畢集方與客圍碁睹別墅遂游陟至夜乃還指授將帥各當其任既而兄子玄等破堅有捷書至安方對客圍碁看書既竟攝置床上了無喜色圍碁如故客問之徐答云小兒輩遂以破賊既罷還內過戶限心喜甚不覺屐齒之折其矯情鎮物如此

其三

雷鼓嘈嘈喧武昌雲旗獵獵過尋陽

齊賢曰考工記

熊旗六旂以象伐則旗初不以雲為章也而云爾亦猶扛旌霓旌取其高而已獵獵飛動貌江州尋陽邵武昌至尋陽七百里士贇曰嘈嘈衆聲也

秋毫不犯三吳

齊賢曰吳王夫差都姑蘇吳王濞都廣陵孫權

都建鄴是謂三吳

其四

龍蟠虎踞帝王州帝子金陵訪古丘春風試

暖昭陽殿明月還過鳩鵲樓

齊賢曰漢書

甘泉宮外士贇曰此四句詩意是調永王兩金陵亦古帝都今為丘墟王其訪此當融景而思昭陽鳩鵲之在長安者風月亦無人管領也黍離之悲藹然見於言外

其五

二帝巡遊俱未迴五陵松柏使人哀諸侯不

救河南地更喜賢王遠道來

齊賢曰二帝明皇幸蜀肅宗即

位靈武俱未迴長安也河南洛陽也時祿山據洛陽士贇曰五陵高祖太宗高宗中宗睿宗之陵寢也此詩白欲諷永王為勤王赴難之舉如本傳中所載廣琛等語是也詩以杼

下情而通諷諭
太白有之矣

其六

丹陽北固是吳關
畫出樓臺雲水間
千巖烽

火連滄海兩岸旌
旗繞碧山王贊曰括地志丹陽郡故在潤

州江寧縣東南五里即今鎮江府圖經丹陽郡

山古雲陽縣也漢丹陽郡治宛陵晉丹陽郡

治秣陵山多赤柳故名北固山在鎮江府北

一里迴嶺下臨長江其勢險固即府治所據

乃藏中最高處旁視甘露山如屏障中畫

出信江南之絕致也後改曰連滄觀是又摘

太白詩語而名之太白

之詩信紀實之作也

其七

王出三山按五湖樓船跨海次楊都齊賢曰禹貢三

江既入震澤底定蓋豫章江為南江岷江為

中江漢江為北江同入彭蠡入于海震澤一

名太湖一名五湖在蘇州吳江縣東揚州廣

陵郡漢之江都東至秦州九十里秦州東至

海百七十里以其近故曰跨海左傳過信為次

士贊曰舊經謂貢湖遊湖胥湖梅梁湖金鼎

湖麗善長謂長塘湖上湖高湖與太湖而五
章昭云胥湖蠡湖桃湖瀾湖就太湖而五虞
仲翔云太湖之水戰艦森森羅虎士征帆一
通五道謂之五湖

一引龍駒

齊賢曰禮記虎賁之士

其八

長風掛席勢難迴海動山傾古月摧君看帝

子浮江日何似龍驤出峽來王贊曰晉書王濬為益州刺史

武帝謀伐吳詔濬修船艦濬乃作大船連舫百二十步受二千餘人又畫鷁首怪獸於船

首以懼江神舟楫之盛自古未有拜濬為龍驤將軍於是統兵順流鼓棹徑造二山孫皓

遂降於濬

其九王贊曰合十一篇而觀此篇用事非倫句調鄙俗別是一格偽

贗無疑識者必能辨之

祖龍浮海不成橋漢武尋陽空射蛟我王樓

船輕秦漢却似文皇欲渡遼齊賢曰漢元封五年冬南巡狩

登瀛天柱山自尋陽浮江親射蛟江中獲之士贊曰祖始也龍君象祖龍謂始皇也按唐

史太宗文皇帝嘗親征遼東帝渡遼水身到城下城潰以其地為遼州

其十

帝寵賢王入楚關掃清江漢始應還初從雲

夢開朱邸更取金陵作小山齊賢曰漢南郡今江陵府有華

容縣雲夢澤在南荆州藪江夏郡志西陵縣有雲夢澤永王屯江陵則雲夢言江陵也史

記諸侯朝天子於天子之所立宅舍曰邸漢書代王入代邸諸侯王朱戶故曰朱邸士贊曰索隱曰按雲夢本二澤名蓋人以二澤相近或合稱雲夢耳知者據左傳云昭王寢於雲中又楚子田於江南之夢則是二澤名各別也

其十一

試借君王玉馬鞭指揮戎虜坐瓊筵南風一

掃胡塵靜西入長安到日邊

十贊曰晉書明帝幼而聰哲元

帝所寵異數嘗置膝前會長安使來因問帝汝謂日與長安孰遠對曰長安近不聞人從日邊來居然可知也元帝異之明日宴群僚又問之對曰日近元帝失色曰何乃異聞

者之言乎對曰舉目則見日不見長安由是益竒之後人因之謂帝所為日邊宋蔡寬夫詩話云太白之從永王璘世頗疑之唐書載其事甚畧亦不為辯其是否獨其詩自序云半夜水軍來潯陽滿旌旄空名適自娛迫脅上樓船從賜五百金棄之若浮煙辭官不受賞翻謫夜郎天然太白豈從人為亂者哉蓋其學本出縱橫以氣俠自任當中原擾攘時欲藉之以立竒功耳故其東巡歌有但用東山謝安石為君談笑靜胡沙之句至其卒章乃云南風一掃胡塵靜西入長安到日邊亦可見其志矣大抵才高意廣如孔北海之徒固未必有成功而人料事尤其所難議者或責以麟之猖獗而欲仰以立事不能如孔巢父蕭穎士察於未萌斯可矣若其志亦可哀矣

上皇西巡南京歌十首

王贊曰按唐書玄宗紀天

寶十五載六月己亥祿山陷京師十一月庚辰次蜀郡八月癸巳皇太子即皇帝位于靈武十二月丁未上皇天帝至自蜀郡大赦以蜀郡為南京

胡塵輕拂建章臺聖主西巡蜀道來劔壁門

高五千尺石為樓閣九天開

齊賢曰天寶十四載十一月祿

山反十二月陷東京明年陷潼關天子西幸祿山遂陷京師王贊曰建章宮在長安中劔

門事見一卷註

其二

九天開出一成都萬戶千門入畫圖草樹雲

山如錦繡秦川得及此間無

齊賢曰王逸註

陽天南赤天西南朱天西成天西北幽天北玄天東北變天中央鈞天漢武帝起建章宮為千門萬戶王贊曰成都即古蜀郡明皇幸蜀駐蹕成都及還京改蜀郡為成都府

其三

華陽春樹號新豐行入新都若舊宮柳色未

饒秦地綠花光不減上陽紅

齊賢曰漢州唐

縣去州百五十里鹿頭關在焉唐志至德二載以成都府為南京王贊曰時肅宗即位於

靈武尊明皇為太上皇故用此事也秦地指長安上陽宮名在長安中上陽一曰上林

其四

誰道君王行路難六龍西幸萬人歡地轉錦

江成渭水天迴玉壘作長安齊賢曰九域志

濯錦江俗云以此水濯錦則鮮明玉壘山名

前水出焉在成都西北士贊曰行路難古樂府名易時乘六龍以銜天以喻天子之六轡也

其五

高國同風共一時錦江何謝曲江池齊賢曰

西京雜

武帝於曲江頭大營亭館以為燕賞之地李肇國史補進士既捷大宴於此亭士贊曰

按劇談錄曲江本秦時隍州唐開元中疏鑿為勝景南即紫雲樓芙蓉苑西即杏園慈恩

寺花卉環列煙水明媚都石鏡更名天上月人遊賞盛於中和上巳節

後宮親得照娥眉士贊曰華陽志石鏡在武

名武都山蜀記云武都山精化為女子蜀王

納為妃不習水土而死王遣五丁於武都山

其六

濯錦清江萬里流雲帆龍舸下揚州北地雖

擔土為冢故曰武擔今山有石照表其門焉

誇上林苑南京還有散花樓

齊賢曰杜甫宅在成都府萬里

橋西百花潭北昔孔明送吳使至此曰萬里

之行自此始因得名江自岷山經成都下三

峽東至揚州揚子縣為揚子江長安有上林苑成都志宣華苑城上有散花樓隋蜀王秀

其七

錦水東流繞錦城星橋北掛象天星

齊賢曰錦江橋

秦相張儀所作以虹橋跨水彩畫相鮮恍若

天外王贊曰蜀記云七星橋蜀太守李冰造

上應七星李膺記一長星橋今名萬里二負

星橋今名安樂三機星橋今名建昌四夷星

橋今名牽橋五尾星橋今名禪尼六冲四海

此中朝聖主峨眉山下列仙庭

齊賢曰按峨眉山

之顛一名勝峯佛書以為普賢人士所居常

有光相見中峯有普賢閣背倚白崖峯餘上

七峯共環之笈真尊者舊庵在峰下其旁一

峰號呼而應孫思邈所往來傳云笈真與孫

常相呼而應故以名大峨絕頂有七寶岩

下六十里半山間有白水寺寺前雙溪入林

數十步合為一溪既出岩竇又散為寶現溪

葉三藏自西域歸過溪見兩石子闔覽得其

一今藏黑水寺石上有一目端正透底溪以

此得名曰昭其石常五色光現王贊曰圖經

大峨山中峨山小峨山並在嘉州峨眉縣南

大峨山兩山相對如峨眉山下記云其山周匝

千里有石龕百一十三夫洞十二小洞二十
八南北有臺中峨山有葛仙洞小峨山有季
仙洞是
為三峨

其八

秦開蜀道置金牛漢水元通星漢流天子一

行遺聖跡錦城長作帝王州

齊賢曰漢水源出岷冢山東至

漢中為漢水士贊曰一行僧也唐史載玄宗
符獨至成都過此問橋名左右對曰萬里橋
上因嘆曰開元末僧一行謂朕曰更二十年
國有難陛下當遠遊至萬里之外此是也由
是駐蹕成都一行識之明皇實之
故曰天子與一行遺此聖跡也

其九

水綠天青不起塵風光和暖勝三秦萬國煙

花隨玉輦西來添作錦江春

士贊曰三秦按
史記註即秦關

中地其一岐州雍縣其二桃林塞在長安東
今華州潼關其三秦所置上郡所謂三秦也

其十

劔閣重關蜀北門上皇歸馬若雲屯少帝長

安開紫極雙懸日月照乾坤

齊賢曰酈道元
水經註曰小劔

北去大劔二十里連山絕險飛閣相通少帝
肅宗也至德元年載七月即位於靈武尊元宗

口上皇天帝二載九月廣平王復東京師十月復東京帝至自靈武十一月上皇天帝至自蜀易曰日月麗乎天重明以麗乎正此雙懸日月之意士贊曰雙懸日月者東漢樂歌重光重輪之意也

峨眉山月歌

峨眉山月半輪秋影入平羌江水流夜發清

溪向三峽思君不見下渝州

齊賢曰峨眉山在嘉州峨眉縣

羅目鎮平羌江在嘉州龍遊縣有平羌山資州清溪縣乾德五年省入內江內江在州東九十八里資州東至昌州二百二十八里昌州南至渝州三百里渝州治巴縣水自渝上

合曰內江自渝由戎盧上蜀曰外江自渝州明月峽至夔州西陵峽四千里巴峽明月峽巫峽是謂三峽蜀都賦註巴東永安縣有高山相對相去可二十丈左右厓甚高謂之峽士贊曰圖經平羌江在雅州嚴道縣東北城下嘉州亦號平羌江三峽謂西峽巫峽歸峽

峨眉山月歌送蜀僧晏入中京

我在巴東三月時西看明月憶峨眉月出峨

眉照滄海與人萬里長相隨黃鶴樓前月華

白此中忽見峨眉客峨眉山月還送君風吹

西到長安陌長安大道橫九天峨眉山月照

秦川黃金獅子乘高座白玉塵尾談重玄我
似浮雲帶吳越君逢聖主遊丹闕一振高名
滿帝都歸時還弄峨眉月齊賢曰唐歸州巴東郡郡西六十四里巴東縣峨眉在三峽之西故曰西看自函谷西至隴底相去千里曰關中亦曰秦川菩薩所行或見在地或在虛空師子座上或見在具多樹下晉書王衍妙善玄言清談老莊爲事每捉白玉柄塵尾與手同色

赤壁歌送別

二龍爭戰決雌雄赤壁樓船掃地空烈火張

天照雲海周瑜於此破曹公君去滄江望澄

碧鯨鯢唐突留餘跡一一書來報故人我欲

因之壯心魄齊賢曰二龍孫權曹操荆州記蒲坂縣公江有百里南岸赤壁

周瑜黃蓋乘大艦破魏武兵於烏林烏林赤壁東西一百六十里也予嘗往來江漢間研

窮赤壁所在正在今鄂州上流八十里與百

人山相對江邊石皆紫赤色既爲赤壁磯通

鑑建安十三年九月曹操入荆州遺孫權書

曰今治水軍八十一萬與將軍會獵於吳權遣

周瑜迎擊遇操於赤壁初與交戰公軍敗引

次江北瑜在南岸部將黃蓋曰操軍防運船

艦首尾相接可燒而走乃取蒙衝鬪艦數十

艘實以油草裹以帷幙先書報操欺以欲降

蓋預備走舸繫大船後時東南風急蓋中江
舉帆白諸校使齊聲大呼曰降焉操軍吏皆
出營觀望去北軍二里餘蓋諸船同時發火
火烈風猛船往如箭飛埃絕瀾燒盡北船延
燒岸上營落煙燄漲天人馬燒溺死者甚衆
瑜等率輕銳繼其後雷鼓大進軍遂敗操引
軍從華容道歸劉備
與瑜追操至南郡

江夏行

憶昔嬌小姿春心亦自持為言嫁夫婿得免
長相思誰知嫁商賈令人却愁苦自從為夫
妻何曾在鄉土去年下揚州相送黃鶴樓眼

看帆去遠心逐江水流只言期一載誰謂歷
三秋使妾腸欲斷恨君情悠悠東家西舍同
時發北去南來不逾月未知行李游何方作
箇音書能斷絕適來往南浦欲問西江船正
見當壚女紅粧二八年齊賢曰西江船謂揚
州回蜀者二八者以
其年十六耳王贊曰豫章記南浦亭在廣潤
門外往來艤舟之所唐已有之漢書註曰賈
酒處累土為壚以
居酒甕形如銀壚一種為人妻獨自多悲恸
對鏡便垂淚逢人只欲啼不如輕薄兒旦暮

長相隨悔作商人婦青春長別離如今正好
同懽樂君去容華誰得知

懷仙歌

一鶴東飛過滄海放心散漫知何在仙人浩
歌望我來應攀玉樹長相待堯舜之事不足
驚自餘囂囂直可輕巨鼇莫載三山去我欲

蓬萊頂上行

〔士贇曰〕山海經崑崙之墟北有珠樹及玉樹玕琪樹此詩太白

瞻顧宗國繫心君王冀復進用之作也一鶴自喻仙比人君玉樹比爵位時肅宗即位於

靈武明皇就遜位時物議有非之者太白豪俠曠達之士亦曰法堯禪舜自古有之何足驚怪彼為是囂囂者不知古今直可輕也末句其拳拳安史之滅宗社之安或者用我乎身在江海心存魏闕白有之矣

玉真仙人詞

玉真之仙人時往太華峰清晨鳴天鼓飈歛
騰雙龍弄電不輟手行雲本無蹤幾時入少

室王母應相逢

〔齊賢曰〕太華山少華山在華州少室山在河南府〔士贇曰〕

按唐史玉真公主字持盈始封崇昌縣主俄進號上清玄都大洞三景法師天寶三載上

言曰先帝許妾捨家今仍叨主策食租賦願
去公主號罷邑司歸之玉府玄宗不許又言
妾高宗之孫睿宗之女陛下之女弟於天下
不為賤何必名繫主號資湯沐然後為貴請
入數百家之產延千年之命帝知至意乃許
之薨寶應時竊意此詞必公主出家時時賢
皆有詩以詠其事
事仙人褒稱也

清溪行

一作宣州清溪

清溪清我心水色異諸水借問新安江見底

何如此

齊賢曰沈休文有新安江水至清淺深見底之句王贊曰圖經清溪屬冥

城蓋發源於新安新安即今徽州在唐為歙州在隋為新安郡新安江者凡水發源於歙

者皆曰新安江自歙來者出黟山自休寧者出率山自績溪者出太嶂山自婺源者出浙山自浙江沂休寧者為灘三百六十
人行明鏡中鳥度屏風裏
齊賢曰王羲之云每行山陰道上如鏡中遊廬山有屏風疊
向晚猩猩啼
空悲遠遊子

訓殷明佐見贈五雲裘歌

我吟謝朓詩上語朔風颯颯吹飛雨謝朓已
沒青山空後來繼之有殷公粉圖珍裘五雲
色曄如晴天散彩虹文章彪炳光陸離應是

素娥玉女之所為輕如松花落金粉濃似苔

錦含碧滋遠山積翠橫海島殘霞飛丹映江

草凝毫採掇花露容幾年功成奪天造齊賢曰謝

眺宅在當塗青山下今隸太平州五雲裘者

五色絢爛如雲故以五雲名之士贊曰朔風

吹飛雨謝眺觀朝雨詩之全句也太白之所

謂我吟者吟此詩特添颯颯字耳朝雨詩曰

朔風吹飛雨蕭蕭愁殺人又柴故人贈我我

燕光陸離素娥三女仙姬之名

不違晉令山水含清暉頓驚謝康樂詩興生

我衣襟前林壑歛暝色袖上雲霞收夕霏齊賢

曰謝靈運詩山水含清暉晉書靈運祖玄父

喚靈運襲封康樂公題石壁精舍詩林壑歛

暝色雲霞收夕霏士贊曰此言

裘上之書具此康樂詩之景

此物千厓萬嶺相縈鬱身騎白鹿行飄飄手

翳紫芝笑披拂相如不足跨鸛鶴王恭鶴斃

安可方瑤臺雪花數千點片片吹落春風香

為君持此凌蒼蒼上朝三十六玉皇下窺夫

子不可及矯首相思空斷腸

齊賢曰周義真入龍矯山見羨

門乘白鹿而行抱朴子芝赤者如珊瑚黃者如紫金皆光明洞徹如堅冰西京雜記司馬

相如初至成都以所着鶴鶴裘就市人楊昌
賣酒晉書王恭嘗披鶴氅裘涉雪而行孟昶
窺見之曰此乃神仙中人王贊曰三十
六玉皇者道家所謂三十六天帝王也

臨路歌

大鵬飛兮振八裔中天摧兮力不濟餘風激
兮萬世游扶桑兮掛石袂後人得之傳此仲
尼亡兮誰為出涕王贊曰此詩太白自嘆之辭也

古意

君為女蘿草妾作兔絲花輕條不自引為逐

春風斜百丈託遠松纏綿成一家誰言會而

易各在青山厓女蘿發馨香兔絲斷人腸枝

枝相糾結葉葉竟飄揚生子不知根因誰共

芬芳中巢雙翡翠上宿紫鴛鴦若識二草心

海潮亦可量齊賢曰陸機詩疏曰在草曰兔

枝上青兔絲蔓聯草上黃赤如金與松蘿殊
異或謂兔絲無根不屬地茯苓是也抱朴子
兔絲之草下有伏兔之根無此兔
則絲不得生於上然實不屬也

山鷓鴣詞

苦竹嶺頭秋月輝苦竹南枝鷓鴣飛嫁得燕
山胡鴈壻欲銜我向鴈門歸山雞翟雉來相
勸南禽多被北禽欺紫塞嚴霜如劔戟蒼梧
欲巢難背違我今誓死不能去哀鳴驚叫淚
沾衣齊賢曰嶺表鷓鴣臆前有白圓點背間有紫赤毛對啼交州異物志鳥象雌雄名鷓鴣其去懷南不思此徂蜀都賦註山雞雄色斑雌色黑異苑曰南方獻山雞鑿石鏡而舞不止禹貢羽畎夏翟乳安國註雉也士贇曰爾雅山雞一名錦雞其色鮮明五色炫曜

歷陽壯士勤將軍名思齊歌

并序

歷陽壯士勤將軍神力出於百夫則天
太后召見竒之授游擊將軍賜錦袍玉
帶朝野榮之拜橫南將軍大臣慕義結
十友即燕公張說館陶公郭元振為首
余壯之遂作詩

太古歷陽郡化為洪川在江山猶鬱盤龍虎
秘光彩蓄洩數千載風雲何靈徒感靈徒對切

特生勤將軍神力百夫倍

齊賢曰歷陽漢九江郡之縣唐為和

州歷陽有老嫗常行仁義兩書生過之謂曰此國當沒為湖嫗視東城門有血便走上山勿反顧自此嫗數往視門吏問知之殺雞有血塗門嫗往視門有血即走上山國沒為湖

草書歌行

少年上人號懷素草書天下稱獨步墨池飛
出北溟魚筆鋒殺盡中山兔八月九月天氣
涼酒徒詞客滿高堂牋麻素絹排數箱宣州
石硯墨色光吾師醉後倚繩床須臾掃盡數

千張飄風驟雨驚颯颯落花飛雪何茫茫起

來向壁不停手一行數字大如斗怳怳如聞

神鬼驚時時只見龍蛇走左盤右蹙如驚電

狀同楚漢相攻戰湖南七郡凡幾家家屏

障書題徧王逸少張伯英古來幾許浪得名

張顛老死不足數我師此義不師古古來萬

事貴天生何必要公孫大娘渾脫舞

齊賢曰九域志

會稽有王右軍墨池莊子北溟有魚其名為鯢晉王羲之字逸少三十七書黃庭經訖空

中有語卿書感我而况人乎吾是天台丈人
張芝字伯英性好書凡家之衣帛皆書而後
練國史補張旭書得筆法傳旭言始吾聞公
主擔夫爭路而得筆法後見公孫氏舞劍器
而得其神飲醉輒草書揮筆大叫以頭搵水
墨中天下呼為張顛醒後自視以為神異又
鼓吹云旭為常熟尉上任旬日有老父過狀
判去不數日復至怒曰敢以閑事屢擾公門
老父曰其實非論事但睹公筆跡奇妙貴為
篋笥之珍耳長史異之因詰其書先父愛書
兼有著述長史取視之信天下工書者自是
備得筆法之妙又長沙僧懷素好草書自言
草聖三株棄筆堆積埋山下號筆塚王贊曰
此篇先儒謂非太白作予謂勤將軍歌亦然

和盧侍御通塘曲

君誇通塘好通塘勝耶溪通塘在何處遠在
尋陽西青蘿嫋嫋柳煙樹白鷗處處聚沙堤
石門中斷平湖出百丈金潭照雲日何處滄
浪垂釣翁鼓棹漁歌趣非一相逢不相識出
沒繞通塘浦邊清水明素足別有浣沙吳女
郎行盡綠潭潭轉幽疑是武陵春碧流秦人
雞犬桃花裏將比通塘渠見羞通達不忍別
十去九遲回偶逢佳境心已醉忽有一鳥從

天來月出青山送行子四邊苦竹秋聲起長

吟白雪望星河雙垂兩足揚素波梁鴻德耀

會稽日寧知此中樂事多齊賢曰九域志耶溪在越州江州壽

陽郡臨海記白石山有金潭金光煥然自稽

記縣東六里有西施浣紗石後漢書梁鴻扶

風人同縣孟氏有女肥醜而黑擇對不嫁鴻

聞聘之及嫁推髻布衣操作而前鴻喜曰此

真梁鴻妻字之曰德耀孟光以作五噫之歌

耀同適吳依大家阜伯通庶下為人積春每

歸妻為具食舉案齊

眉通異之舍於家

分類補註李太白詩卷之八

分類補註李太白詩卷之九

贈

贈孟浩然襄陽

吾愛孟夫子風流天下聞紅顏棄軒冕白首

卧松雲醉月頻中聖迷花不事君高山安可

仰徒此揖清芬齊賢曰唐書孟浩然襄州人

張九齡王維雅稱道之維私召入內署俄而

元宗至浩然匿會下維以實對帝曰朕聞其

人而未見也詔浩然出帝問其詩浩然再拜

自誦其詩至不才明主棄帝曰卿不求見朕

未嘗棄卿今何
誣我因放還

贈從兄襄陽少府皓

結髮未識事所交盡豪雄却秦不受賞擊晉

寧為功

齊賢曰漢書李廣結髮與匈奴戰史
秦白起破趙長平軍遂圍邯鄲魏使

辛垣衍入邯鄲欲尊秦為帝時魯仲連游趙
見垣衍言帝秦之害垣衍乃不敢言秦聞之
為却五十里平原君欲封仲連仲連不受擊
晉是用侯嬴進朱亥於魏公子無忌用鐵椎
擊殺晉鄙矯奪魏軍將以却秦救趙侯嬴自
勿復有客說公子不以為功詳見三卷註

少節豈足言退耕春陵東歸來無產業生事

如轉蓬一朝烏裘敝百鎰黃金空彈劍徒激

昂出門悲路窮

齊賢曰春陵在今道州漢高
祖不事家人生產作業戰國

策蘇秦說秦書上上不從黑貂之裘敝黃金
百斤盡乃擔橐而歸國語註一鎰二十四兩
史記馮驩彈鋏而歌晉書阮籍時率意
獨駕不由徑路車跡所窮輒慟哭而反吾兄

青雲士然諾聞諸公所以陳片言片言貴情

通棣華儻不接甘與秋草同

淮海對雪贈傅靄

一作淮南對
雪贈孟浩然

朔雪落吳天從風渡溟渤梅樹成陽春江沙

浩明月興從剡溪起思繞梁園發寄君郢中

歌曲罷心斷絕齊賢曰世說晉王徽之居山陰夜雪初霽月色清明西望

浩然忽憶戴逵逵時在剡便夜乘小船詣之

經宿方至造門不見而反人問其故曰本乘

興而來興盡而反何必見安道耶雪賦歲將

暮時既昏寒風積愁雲繁梁王不悅遊于兔

園俄而微霰零密雪下王乃歌北風於衛詩

詠南山於周雅授簡於司馬大夫曰抽子秘

思為寡人賦之又曰君寧見階上之白雪豈

鮮耀於陽春宋王對楚王問曰客有歌於郢

中者其為陽春白雪和者不過數人

贈徐安宜

白田見楚老歌詠徐安宜製錦不擇地操刀

良在茲清風動百里惠化聞京師浮人若雲

歸耕種滿郊岐川光淨麥壠日色明桑枝齊賢

曰公羊曰京大也師衆也天子之居必以衆大之辭言之浮人流人也訟息但

長嘯賓來或解頤青橙拂戶牖白水流園池

遊子滯安邑懷恩未忍辭翳君獨桃李歲晚

托深期齊賢曰漢志安邑隸河東郡

贈任城盧主簿

海鳥知天風竄身魯門東臨觴不能飲矯翼
思凌空鍾鼓不為樂煙霜誰與同歸飛未忍
去流淚謝鴛鴻齊賢曰魯語海鳥曰爰居止於魯東門展禽今茲海有災乎夫廣川鳥獸常知避其災也是歲海多天風莊子云昔者海鳥止於魯郊魯侯御而觴之于廟奏九韶以為樂具大牢以為膳鳥乃眩視憂悲不敢食一嚮不敢飲一杯

早秋贈裴十七仲堪

遠海動風色吹愁落天涯南星變大火熱氣
餘丹霞光景不可迴六龍轉天車荆人泣美

魯叟悲匏瓜功業若夢裏撫琴發長嗟齊賢曰大火心星下和抱玉璞泣於荆山士贊曰南星即角亢氏房心尾之星史律書南至於亢南至於房南至於心南至於尾晉天文志自氏至尾為大火此言夏而秋也裴生

信英邁屈其勿切起多才華歷抵海岱豪結交

魯朱家復携兩少妾艷色驚荷葩雙歌入青

雲但惜白日斜齊賢曰禹貢海岱及淮為徐州漢書朱家魯人魯皆以儒

教而朱家用俠開所藏活豪士以百數闕以東莫不延頸願交士贊曰師古曰屈起特起

也窮溟出寶貝大澤饒龍蛇明主儻見收煙

霄路非賒時命若不會歸應鍊丹砂

贈范金卿二首

君子枉清盼不知東走迷離家未幾月絡緯

鳴中閨桃李君不言攀花願成蹊那能吐芳

信惠好相招攜士贊曰目下為我有結綠珍

久藏濁水泥時人棄此物乃與燕石齊撫拭

欲贈之申眉路無梯遼東慙白豕楚客羞山

雞齊賢曰戰國策應侯謂秦王曰梁有懸黎宋有結綠鬪子曰宋之愚人得燕石於梧

臺之側藏之以為大寶周客聞而觀之主人

齋七日端冕玄服以發寶革圓十重巾十襲

客見俛而挽口盧胡而笑曰此特燕石也其

與瓦甃不殊主人怒曰商賈之言醫匠之心

藏之愈固守之彌堅士贊曰漢書司馬遷傳

迺欲仰首信眉論列是非朱浮與彭寵書曰

往時遼東有豕生子白頭異而獻之行至河

東群豕皆白慙而還尹文子曰楚人握山雉

欺路人曰鳳凰路人曰我聞鳳凰今始見矣

請買千金弗與請加倍乃與之方欲獻楚王

經宿死不遑惜其金惟恨不得獻王王徒有

聞感之召厚賜之過買鳥之金十倍

獻芹心終流泣玉啼秣應自索漠留舌示山

妻

其二

范宰不買名絃歌對前楹為邦默自化日覺
冰壺清百里雞犬靜千廬機杼鳴浮人少蕩
析愛客多逢迎遊子覩嘉政因之聽頌聲

贈瑕丘王少府

皎皎鸞鳳姿飄飄神仙氣梅生亦何事來作

南昌尉清風佐鳴琴寂寞道為貴

齊賢曰唐兗州魯郡

治瑕丘縣漢梅福為南昌尉棄官去至元一始中一朝棄妻子去九江至今傳以為仙一

見過所聞操持難與群毫揮魯邑訟目送瀛
洲雲我隱屠釣下爾當玉石分無由接高論
空此仰清芬

東魯見狄博通

去年別我向何處有人傳道遊江東謂言掛
席度滄海却來應是無長風

見京兆韋參軍量移東陽二首

吳中

潮水還歸海流人却到吳相逢問愁苦淚盡

日南珠

齊賢曰東陽婺州吳地日南郡產珠

其二

聞說金華渡東連五百灘全勝若耶好莫道
此行難猿嘯千谿合松風五月寒他年一攜
手搖艇入新安

齊賢曰若耶溪新安見前卷註

贈丹陽橫山周處士惟長

周子橫山隱開門臨城隅連峰入戶牖勝槩
凌方壺時狂白紵詞放歌丹陽湖水色傲溟

渤川光秀菰蒲當其得意時心與天壤俱閑

雲隨卷舒安識身有無抱石恥獻玉沉泉笑

深珠羽化如可作相攜上清都

齊賢曰唐志宣州廣德縣

有橫山列子渤海之東五山三曰方壺丹陽湖隸當塗縣士贊曰列子范氏有子曰子華善養私名舉國服之未生子伯范氏之上客出行宿於田叟商丘開之舍相與言子華之名勢能使存者亡亡者存富者貧貧者富商丘開先窘於飢寒潛聽之因假糧荷輦之子華之門子華之門徒皆世俗顧見商丘開年老狎侮欺給亡所不為因指河曲之隅曰彼中有寶珠泳可得也商丘開從而泳之既出果得珠焉衆疑之俄而范氏之藏大火子華

曰若能入火取錦者從所得多少賞若商丘
開往無難色入火往還埃不侵身不焦范氏
之黨以為有道乃共謝之商丘開曰吾亡道
雖吾之心亦不知所以曩子二客之宿吾舍
也聞一言范氏之勢吾誠之無二心故不遠
而來及來以子黨之言皆實也惟恐誠之之
不至行之之不及不知形體之所借利害之
所存也心一而已物無遷者如斯而已今乃
知子黨之誕我追昔日之不焦溺也恒然而
熱惕然震悸矣水火豈可復近哉自是之後
范氏門徒遇乞兒
馬醫不敢辱也

玉真公主別館苦雨贈衛尉張卿二

首

秋坐金張館繁陰晝不開空煙迷雨色蕭颯
望中來翳翳昏墊苦沉沉憂恨催清秋何以
慰白酒盈吾杯吟詠思管樂此人已成灰獨
酌聊自勉誰貴經綸才彈劍謝公子無魚良
可哀齊賢曰易雲雷屯君子以經綸史馮驩
聞孟嘗君好客躡屩而見之置舍十日
問傳舍長曰客何所為答曰馮先生甚貧猶
有一劍彈其缺而歌曰長缺歸來乎食無魚
遷之幸舍
食有魚矣

其二

苦雨思白日浮雲何由卷稷尙和天人陰陽
乃驕蹇秋霖劇倒井昏霧橫絕巘欲往咫尺
塗遂成山川限淥淥音叢奔溜聞浩浩驚波轉
泥沙塞中途牛馬不可辨飢從漂母食閑綴
羽陵簡園家逢秋蔬藜藿不滿眼蠨蛸結思
幽蟋蟀傷福淺厨竈無青煙刀机生綠蘚齊賢
曰稷尙舜臣書三公燮理陰陽意以譏當時
執政者漢書韓信從漂母食蠨蛸名長跼小
如蜘蛛長脚者俗呼為喜子蟋蟀郭璞註促
織也亦名蜻蛚士贇曰唐書五行志天寶中

霧昏暗十步外不見人是謂晝昏詩東山二
章云蠨蛸在戶小序曰二章言其思也故曰
結思幽詩唐國風蟋蟀刺晉僖公也儉不中
禮故作是詩以閔憂欲其及時以禮自娛樂
也此晉也而謂之唐本其風俗憂深思遠
儉而用禮乃有堯之遺風焉綠蘚苔也
投
筋解鷓鴣換酒醉北堂丹徒布衣者慷慨未
可量何時黃金盤一斛薦檳榔功成拂衣去
搖曳滄洲傍齊賢曰唐潤州丹陽郡治丹徒
縣南史劉穆之由居京口帝西
討劉毅以諸葛長人監留府留穆之輔之長
人果有異謀穆之厚為之備謂所親曰貧賤
常思富貴富貴必踐危機今日思為丹徒布
衣不可得也穆之少時家貧往妻兄家乞食

每食畢求檳榔江氏兄弟戲之曰檳榔消食
君乃常飢何忽須此及為丹陽尹召妻兄弟
令厨人以金盤貯
檳榔一斛以進之

贈韋秘書子春二首

谷口鄭子真躬耕在巖石高名動京師天下
皆籍籍斯人竟不起雲掛從所適苟無濟代
心獨善亦何益齊賢曰楊子谷口鄭子真惟耕於巖石之下名震京師
君家世者偃息逢休明談天信浩蕩說劍紛
縱橫謝公不徒然起來為蒼生秘書何寂寂

無乃羈豪英且復歸碧山安能戀金闕舊宅

樵漁地蓬蒿已應没却顧女几峰胡顏見雪

月齊賢曰九域志女几山在河南府福昌縣本宜陽縣有女几山士贇曰史荀卿傳騶

衍之術迂大而闕辯故齊人頌曰談天

其二

徒為風塵苦一官已白鬚氣同萬里合訪我
來瓊都披雲覩青天捫蝨話良圖留侯將綺
里出處未云殊終與安社稷功成去五湖齊賢

曰留侯綺里季事見四卷范蠡佐勾踐滅吳及至五湖辭曰臣不復至越國矣乃裝其輕貨珠玉與私徒屬乘舟浮於五湖士贇曰晉書載記王猛字景略隱于華山懷佐世之志桓温入關猛被褐而詣而談當世之事捫蝨而言旁若無人

贈章侍御黃裳二首

太華生長松亭亭凌霜雪天與百尺高豈爲
微颺折桃李賣陽豔路人行且迷春光掃地
盡碧葉成黃泥願君學長松慎勿作桃李受
屈不改心然後知君子

齊賢曰華州華山一名太華

其二

見君乘駟馬知上太山道此地果摧輪全身
以爲寶我如豐年玉葉置秋田草但勗冰壺
心無爲嘆衰老

贈薛校書

我有吳越曲無人知此音姑蘇成蔓草麋鹿
空悲吟未誇觀濤作空鬱鈞鼇心舉手謝東
海虛行歸故林

士贇曰吳越春秋伍子胥曰臣必見越之破吳豕鹿遊於

姑蘇之臺荆
捧蔓於宮闕

贈何七判官昌浩

有時忽惆悵，匡坐至夜分。平明空嘯咤，思欲
解世紛。心隨長風去，吹散萬里雲。羞作濟南
生，九十誦古文。齊賢曰：漢書伏生，濟南人名，勝故為秦博士。孝文時求能治尚書者，天下亡有聞伏生治之欲召時伏生，九十餘老不能行於足，詔太常掌故晁錯往受之。士贇曰：孔安國尚書序：濟南伏生年過九十，失其本經，口以傳授。裁二十餘篇，以其上古之書，謂之尚書。至魯共王好治宮室，壞孔子舊宅，以廣其居於壁中，得先人所藏。

古文真夏商周之書，以所聞伏生之書考論文義，定其可知者為隸古，文更以竹簡寫之。

不然拂劍起，沙漠收竒勳。老死阡陌間，何因揚清芬。夫子今管樂，英才冠三軍。終與同出處，豈將沮溺群。齊賢曰：沮溺者，長沮、桀溺也。乃二隱士。

讀諸葛武侯傳，懷贈長安崔少府叔封昆季

漢道昔云季，群雄方戰爭。霸圖各未立，割據資豪英。赤伏起頽運，卧龍得孔明。當其南陽

時隴畝躬自耕魚水三顧合風雲四海生武侯立岷蜀壯志吞咸京何人先見許但有崔

州平

齊賢曰羣雄比袁紹呂布袁術曹操公孫瓚諸人東漢光武紀疆華自關中奉

赤伏符曰劉秀發兵捕不道四方雲集龍圖野四七之際火為主蜀志徐庶見先主曰諸葛孔明卧龍人也將軍豈願見之乎先主曰君與俱來庶曰此人可就見不可屈致也將軍宜枉駕顧之先主遂詣亮凡三往乃見本傳曰亮躬耕隴畝好為梁父吟又曰先主於是與亮情好日密曰孤之有孔明猶魚之有水也又曰亮之志進欲龍驤虎視包括四海武侯出師五丈原屯田為久駐之基志吞咸陽也亮每自比於管仲樂毅時人莫之許也

惟崔州平徐匡直與亮友善謂為信然

余亦草間人頗懷拯物

情晚途值子玉華髮同衰榮託意在經濟結

交為弟兄母令管與鮑千載獨知名

士贊曰管鮑事

見三卷

贈郭將軍

將軍少年出武威入掌銀臺護紫微平明拂
劍朝天去薄暮垂鞭醉酒歸愛子臨風吹玉
笛美人向月舞羅衣疇昔雄豪如夢裏相逢

且欲醉春暉

齊賢曰九域志涼州武威郡唐有銀臺門辛氏三秦記未央宮

一名紫微宮

駕去溫泉後贈楊山人

少年落魄楚漢間風塵蕭瑟多苦顏自言管

葛竟誰許長吁莫錯還閉關

齊賢曰史記酈食其家貧落魄

楚漢間乃與元以東彭城以西管仲諸葛亮也阮逸曰閉關喻藏身也一朝

君王垂拂拭剖心輸丹雪曾臆忽蒙白日回

景光直上青雲生羽翼幸陪鸞輦出鴻都身

騎飛龍天馬駒王公大人惜顏色金璋紫綬

來相趨

齊賢曰禮書荀卿曰輦輿就馬則輦在車駕在馬也鴻都門名也唐禁中

有飛龍廡西域傳大宛國嶠山上有馬不可得因取五色牝馬置其下與集生駒號天馬

子當時結交何紛紛片言道合惟有君待吾

盡節報明王然後相攜卧白雲

溫泉侍從歸逢故人

齊賢曰唐志京兆府昭應縣本

新豐有宮在驪山下真觀十八年置咸亨二年始名溫泉宮天寶元年更

溫泉曰華清宮治陽井為地環山列宮室築羅城置百司及十宅七載省

新豐更會昌
及泉曰昭應

漢帝長楊苑誇胡羽獵歸子雲叨侍從獻賦
有光輝之為搖天筆承恩賜御衣逢君奏明

主他日共翻飛齊賢曰白為宮詞明皇賜以宮錦袍前四句事見一卷註

贈裴小四

朝見裴叔則朗如行玉山黃河落天走東海
萬里寫入胷懷間身騎白黿不敢度金高南
山買君顧徘徊六合無相知飄若浮雲且西

去齊賢曰晉裴楷字叔則風儀高邁時人謂之玉人又稱見裴叔則如近玉山照映人

也黃河出崑崙山在吐蕃中極西為最高流入中國勢猶從天而落也禹貢同為逆河入于海列女傳鄭子瞽者楚成王夫人初成王登臺子瞽不顧王曰顧吾與女千金子瞽行顧不

贈崔侍郎

黃河二尺鯉本在孟津居點額不成龍歸來

伴凡魚齊賢曰孟津地名在洛北都道古今以為津三秦記龍門山在河東界禹

鑿山斷如門一里餘黃河自中流下兩岸不通車馬每暮春有黃黑鯉魚自海及諸川爭

來赴之上得者便化為龍士贊曰爾雅曰鱣鮪也出鞏穴三月則上渡龍門得渡為龍否則點額而還魏土地記曰梁山北有龍門山大禹所鑿通孟津河口廣八十步巖際鑄跡遺功尚存故人東海客一見借吹噓風濤儻相見

更欲凌崑墟士贊曰山海經曰崑崙墟在西北河水出其東北隅

述德兼陳情上哥舒大夫

人為國家孕英才森森矛戟擁靈臺浩蕩深謀噴江海縱橫逸氣走風雷丈夫立身有如此一呼三軍皆披靡衛青謾作大將軍白起

真成一豎子

齊賢曰莊子曰不可內於靈臺郭象註靈臺者心也後漢鉅期瞋目大呼衆皆披靡士贊曰衛青平陽人也以衛皇后親為大中大夫後擊匈奴有功拜大將軍白起郢人也善用兵事秦昭王後遷為武安君以伐趙不肯行賜劍自殺

雪讒詩贈友人

嗟予沈迷猖獗已久五十知非古人嘗有立言補過庶存不朽包荒匿瑕蓄此煩醜月出致譏貽愧皓首齊賢曰莊子蘧伯玉行年六十而化未嘗不始於是之所謂是非五十九非也今感悟遂晚事往日

遷白璧何辜青蠅屢前群輕折軸下沈黃泉
衆毛飛骨上凌青天萋斐暗成貝錦粲然泥
沙聚埃珠玉不憐洪燄爍山發自織煙蒼波
蕩日起于微涓交亂四國播于八埏拾塵掇
蜂疑聖猜賢哀哉悲夫誰察予之貞堅齊賢
曰萋兮斐兮成是貝錦彼譖人者亦已大甚
張儀傳曰積羽沈舟群輕折軸衆口鑠金積
毀銷骨丁鴻曰壞崖破巖之水原自涓涓下
雲蔽日之木起於葱青士贇曰孟康曰冥地
戶八際也孔子家語孔子厄於陳蔡從者七
日不食子貢以所齎貨竊圍而出告糴於野

人得米一石焉顏回仲由炊之於壤屋之下
有埃墨墮甑中顏回取而食之子貢自井望
見之不悅以爲竊食也入問孔子曰仁人廉
士窮改節乎孔子曰改節即可稱於仁廉哉
子貢曰若回也其不改節乎子曰然子貢以
所飯告孔子子曰吾信回之爲仁久矣雖汝
有云弗以疑也其或者必有故乎汝止吾將
問之召顏回曰疇昔予夢見先人豈或啓佑
我哉子炊而進飯吾將進焉對曰向有埃墨
墮飯之中欲置之則不潔欲棄之則可惜回
即食之不可祭也孔子曰然乎吾亦食之顏
回出孔子顧謂二三子曰吾之信回也非特
今日也二三子由此乃服之列女傳尹吉甫
前妻子伯奇後妻子伯封伯奇事後母至孝
後母欲其子伯封爲太子言於吉甫曰伯奇
好妾若不信試上臺觀之後母取蜂除其毒

而置於衣領之中使伯奇視而殺之吉甫使讓伯奇使者見其袖有死蜂以白吉甫使追之已投彼人之猖狂不如鵲之彊彊彼婦人于河矣彼人之猖狂不如鵲之彊彊彼婦人之淫昏不如鶉之奔奔坦蕩君子無悅簧言擢髮續罪罪乃孔多傾海流惡惡無以過人生實難逢此織羅積毀銷金沉憂作歌天未喪文其如余何齊賢曰詩巧言如簧范睢謂須賈曰汝罪有幾曰擢髮之髮以續賈之罪尚未足孔子曰天之未喪斯人也匡人其如予何士贊曰詩鶉之奔奔刺宣姜也衛人以爲姐已滅紂褒女惑周天

維蕩覆職此之由漢祖呂氏食其在傍秦皇

成后每亦淫荒蝶螈作昏遂掩太陽萬乘尚

爾匹夫何傷齊賢曰外紀云紂伐有蘇有蘇氏以姐已女焉姐已有寵其言

是從武王伐紂殺姐已周紀幽王嬖愛褒姒

褒姒生子伯服幽王欲廢申侯女爲后并去太子宜曰以褒姒爲后以伯服爲太子申侯

怨結西夷犬戎攻幽王幽王舉烽火徵兵兵莫至遂殺幽王驪山下虜褒姒盡取周縣而

去漢呂后徙陳平爲右丞相審食其爲左丞相食其幸於太后史呂不韋始皇帝益壯太后淫

不辭殫意窮心切理直如或妄談昊天是殛

子野善聽離婁至明神靡遁響鬼無逃形不

我遐棄庶昭忠誠士贊曰子野師曠字晉樂太師也

贈參寥子

白鶴飛天書南荆訪高士五雲在峴山果得

參寥子齊賢曰列仙傳桓闓事華陽陶先生十餘年一旦有二青童白鶴自空而下陶先生臨軒接之青童曰太上命求桓先生耳於是桓服天衣駕白鶴升天而去九域志襄陽有峴山

抗辭故園昂藏入君門天

子分玉帛百官接話言士贊曰南史高昂字敬曹其父以其

名字之

以毫墨時灑落探玄有奇作著論窮

天人千春秘麟閣長揖不受官拂衣歸林巒

余亦去金馬藤蘿同所攀相思在何處桂樹

青雲端士贊曰按李白本傳曰白懇求還山帝賜金放還作是詩必此時也

贈饒陽張司戶燧齊賢曰唐深州饒陽郡治饒陽縣

朝飲蒼梧泉夕棲碧海煙寧知鸞鳳意遠託

椅桐前慕蘭豈曩古攀嵇是當年愧此黃石

老安識子房賢齊賢曰漢書司馬相如字長卿少時名犬子慕蘭相如之

為人更名相如顏延年詩攀嵇亦鳳兒謂嵇
康也漢張良字子房游下邳圯上有一老父
至良所墮其履圯下顧良取履良下取履因
跪進父以足受之曰孺子可教矣與良期乃
出一編書曰讀是則為王者師後十年興十
三年見我濟北穀城山下黃石即我也遂去
不見日視其書乃太公兵法後從高帝
過濟北果得穀城山下黃石葆祠之

功業

嗟落日容華棄徂川一語已道意三山期着
鞭蹉跎人間世寥落壺中天獨見遊物祖探
元窮化先何當共攜手相與排冥筌齊賢曰後漢費
長房傳汝南市中有老翁賣藥懸一壺及市
罷跳入壺中長房於樓上見之因往再拜奉

酒脯翁乃與俱入壺中見玉堂嚴麗

贈清漳明府姪聿

齊賢曰唐相州臨漳縣具州漳南縣

孔安國註漳水橫流入河蓋河水濁漳水清故曰清漳

我李百萬葉柯條布中州天開青雲器日為
蒼生憂小邑且割雞大刀佇烹牛雷聲動四

境惠與清漳流

齊賢曰論語子之武城聞絃歌之聲夫子莞爾而笑曰割

雞焉用牛刀地理志清漳水出上黨大龜谷東北至陽海阜城入河阜城唐隸冀州武邑縣北三十里有衡漳石堤衡水縣引漳水北流貫城注隍王贊曰史老子傳老子者姓李

氏名耳字伯陽謚曰聃正義曰玄妙內篇云
李母懷胎八十一載迢迢李樹下乃剖左腋
而生生而指李樹因以為姓唐祖老子白與
聃皆帝室之胄故用李樹之事葉世也柯條
猶枝分派
別之義
絃歌詠唐堯脫落隱簪組心和得

天真風俗猶太古牛羊散阡陌夜寢不扃戶

問此何以然賢人宰吾土齊賢曰冀州有堯壇堯臺淮南子所謂天者純粹撲素質直皓白未始有雜揉者斯其真也士贇曰絃歌詠唐堯者即康衢童謠曰立我烝民莫匪爾極不識不知順帝之則及老人擊壤於路曰日出而作日入而息鑿井而飲耕田而食帝力於我何有哉之意簪組者只是傳換簪纓二字釋曰綬為小者

為冕纓脫落隱簪組者隱於簪纓之間猶東方朔所言避世於朝廷者禮記郊特牲註唐虞以上舉邑樹桃李垂陰亦流芬河堤繞綠曰太古

水桑柘違青雲趙女不冶容提籠書成群繰絲鳴機杼百里聲相聞齊賢曰劉向說苑趙簡子謂陽虎曰樹桃

高卧披道帙蒲鞭掛簷枝示恥無撲扶琴清李者夏得休息秋得其實焉河堤黃河之堤綠水清漳之水訟息鳥下階

月當戶人寂風入室長嘯無一言陶然上皇

逸齊賢曰高子曰禹治天下朝廷之間可以羅雀後漢劉寬為南陽太守吏人有過但

蒲鞭罰之示辱而已撲扶笞擊也白玉壺冰水壺中見底清

清光洞毫髮皎潔照羣情趙北美嘉政燕南

播高名過客覽行謠因之誦德聲齊賢曰姚崇冰壺賦

曰冰壺者清潔之至也君子對之不忘乎清

北齊宋士良為清河太守盜賊屏跡郡無一

囚公門虛寂無復訟者人謂之神門及代至

老人丁金剛送之泣曰老人年九十記三十

五政府君非惟善政清亦徹底

陶令去彭澤茫然太古心大音自成曲但奏

贈臨洛縣令皓弟時被訟停官

無絃琴釣水路非遠連鰲意何深終期龍伯

國與爾相招尋齊賢曰九域志治州臨洛縣陶潛為彭澤令郡遣督郵至

縣吏白應束帶見之潛嘆曰吾不能為五斗

米折腰恭奉事鄉里小人即解印去縣賦歸

去來辭潛性不解音而蓄素琴一張徽絃不

具每撫而和之曰但識琴中趣何勞絃上聲

老子大音希聲列子龍伯之國有大人舉足

不盈數步而暨五山之所一釣而連六鰲

贈郭季鷹

河東郭有道於世若浮雲盛德無我位清光

獨映君恥將雞並食長與鳳為羣一擊九千

臨別意難盡各希存令名

士贊曰按此詩其

際乎當祿山欲反之時朝廷上下皆知其狀獨明皇不然之太白亦欲言而不敢聊因詩以發舒其憂國之情乎太白平生任俠亦有志斯世者於此詩槩可想見矣

贈華州王司士

淮水不絕濤瀾高盛德未泯生英髦知君先

負廟堂器今日還須贈寶刀

齊賢曰王泯傳王導初渡淮使

郭璞筮之卦成曰吉无不利淮水絕王氏滅桓沖曰謝安乃有廟堂之量不閑將畧晉中興書曰魏徐州刺史呂虔有佩刀工相者曰為三公可服此刀虔乃贈別駕王祥曰苟非

其人刀或為害卿有公輔之良故相與也

贈盧徵君昆弟

士贊曰按盧徵君名鴻字顯然唐書有傳

云其先范陽人博學善書藉廬嵩山玄宗開元初備禮徵再不至五年再詔徵至東都謁見拜諫議大夫固辭制許還山賜引居服官營草堂及卒帝賜萬錢鴻所居室自號寧極云

明主訪賢逸雲泉今已空二廬竟不起萬乘

高其風河上喜相得壺中趣每同滄洲即此

地觀化游無窮水落海上清鼇背觀方蓬與

君弄倒景攜手凌星虹

齊賢曰壺中事見前

載五山如峙而不动陵陽子明經曰倒景之氣去地四千里其景皆倒在下也士贇曰列仙傳河上公莫知其姓名也漢文帝時結草為庵于河之濱常讀老子道德經時文帝好老子之道駕幸詣之河上公即授秦書老子道德經章句二卷帝拜受畢失公所在時人因號河上公如淳曰在日月之上反從下照故其景倒

贈新平少年

韓信在淮陰少年相欺凌屈體若無骨壯心有所憑一遭龍顏君嘯咤從此與千金答漂

母萬古共嗟稱而我竟何為寒苦坐相仍長

風入短袂兩手如懷冰故友不相恤新交寧

見矜摧殘檻中虎羈繼鞵上鷹何時騰風雲

搏擊中所能齊賢曰韓信微時事見三卷註

也漢書鞵形如鞵以縛左右手於事便也

贈崔侍郎

長劍一杯酒男兒方寸心洛陽因劇孟託宿話曾襟但仰山嶽秀不知江海深長安復攜

手再顧重千金

齊賢曰劇孟事見三卷註列女傳楚成王登臺夫人鄭子

齊賢曰顧君乃軒轅佐予叨翰墨林高

吾與女千金

風摧秀木虛彈落驚禽不取回舟興而來命

駕尋扶搖應借力桃李願成陰笑吐張儀舌

愁為莊舄吟誰怜明月夜腸斷聽秋砧

齊賢曰史

陳軫傳陳軫適至秦惠王曰子去寡人之楚亦思寡人不陳軫對曰王聞夫越人莊舄乎

王曰不聞曰越人莊舄仕楚執珪有頃而病楚王曰舄故越之鄙細人也今仕楚執珪貴

富矣亦思越不中謝對曰凡人之思故在其病也彼思越則越聲不思越則楚聲使人往

聽猶尚越聲也今臣雖棄逐之楚豈能無秦聲哉

走筆贈獨孤駙馬

都尉朝天躍馬歸香風吹人花亂飛銀鞍紫

鞚照雲日左顧右盼生光輝

齊賢曰漢駙馬都尉掌駙馬說

文駙近也是時僕在金門裏待詔公車謁天子長

揖蒙垂國士恩壯心剖出酬知己

士贊曰此太白敘述

已事見本傳及詩叙一別蹉跎朝市間青雲之交不可

攀儻其公子重回顧何必侯嬴長抱關

士贊曰魏

公子無忌聞侯嬴賢往迎之
嬴謝曰嬴乃夷門抱關者也

贈嵩山焦鍊師 并序

嵩山有神人鍊師者不知何許婦人也
又云生於齊梁時其年貌可稱五六十年
常胎息絕穀居少室廬游行若飛倏忽
萬里世或傳其入東海登蓬萊竟莫能
測其往也余訪道少室盡登三十六峯
聞風有寄灑翰遙贈

二室凌青天三花含紫煙中有蓬海客宛疑

麻姑仙 齊賢曰太室少室二山隸河南府鹿
革事類云漢世有道士自外國將其

多子於嵩山下種之
一年三花白色香美道在喧莫染跡高想已

綿時粲金鵝蕊屢讀古苔篇八極恣遊憇九

垓長周旋下瓢酌潁水舞鶴來伊川還歸東

山上獨拂秋霞眠蘿月掛朝鏡松風鳴夜絃

齊賢曰登封縣東南一百三十里有潁陽鎮
舊潁陽縣鮑明遠有舞鶴賦伊陽縣在東京
南一百六十里有伊闕鎮士傳許由隱箕山
以手捧水飲之人遺一瓢得以取飲飲訖掛

於樹上
潛光隱嵩嶽鍊鬼栖雲幄霓裳何飄颻

鳳吹轉綿邈士贊曰紫文靈書修行二十四

遊走穢濁或交通血食往來鬼魅或共死尸

相閔或言人之罪欲人之敗皆鬼之疾也其

法每晦朔弦望及庚申日存鼻端有白炁漸

大以冠身九重又變作四靈之獸匝繞一身

呼呪如法則七鬼制鍊矣王逸楚願同西王

詞註綿綿細微之意又曰邈遠也

母下顧東方朔紫書儻可傳銘骨誓相學士贊曰

漢武內傳元封元年七月七日武帝閑居

東方朔在側忽西王母至授帝以瓊笈紫書

口號贈徵君鴻此公時被召士贊曰

陶令辭彭澤梁鴻入會稽我尋高士傳君與

古人齊雲卧留丹壑天書降紫泥不知楊伯

起旦晚向關西齊賢曰漢詔書皆封以武都

紫泥東漢楊震字伯起弘農

華陰人少好學受歐陽尚書於桓郁明經傳

上李邕

大鵬一日同風起扶搖直上九萬里假令風

起常客居於湖不答州郡

禮命數下而震志愈篤

歌時下來猶能簸却滄溟水時人見我指殊

調聞余大言皆冷笑宣父猶能畏後生丈夫

未可輕年少齊賢曰孔子曰後生可畏士贊曰此篇似非太白之作今釐在

末卷

贈張公洲革處士

列子居鄭圃不將衆庶分革侯遁南浦常恐
楚人聞抱甕灌秋蔬心閑遊天雲每將瓜田
叟耕種漢水濱時登張公洲入獸不亂群井

無桔槔事門絕刺繡文長揖二千石遠辭百

里君斯為真隱者吾黨慕清芬齊賢曰張公

列子名禦寇居鄭圃四十年無識者國君卿

大夫視之猶衆庶也別賦送君南浦傷如之

何南浦楚地莊子子貢過淮陰見一丈人為

圃畦鑿隧而入井抱甕而出灌用方甚多而

兒功寡子貢曰有械於此用力甚寡而見功

多一日浸百畦夫子不欲乎仰而視之曰柰

何曰鑿木為機後重前輕挈水若抽數如決

湯其名曰槔為圃者忿然作色而笑曰吾聞

之吾師有機械者必有機事有機事者必有

機心機心存於胸中則純白不備純白不備

則神生不定神生不定者道之所不載也吾

非不知羞而不為也機水器俗名水車又曰

孔子逃於大澤入獸
不亂舞入鳥不亂行

分類補註李太白詩卷之九

分類補註李太白詩卷之十

贈

秋日鍊藥院鑷白髮贈元六兄林宗

木落識歲秋瓶冰知天寒桂枝日已綠拂雪

凌雲端弱齡接光景矯翼攀鴻鸞齊賢曰淮

而知天下之秋見瓶投分三十載榮枯同所

歡長吁望青雲鑷白坐相看秋顏入曉鏡壯

髮凋危冠齊賢曰李善曰分猶志也南史鬱

白髮問王我誰耶曰太翁帝笑曰窮與鮑生

豈有為人作曾祖而鑷白髮者乎窮與鮑生

賈飢從漂母食時來極天人道在豈吟嘆賈

秦初說韓卷舒固在我何事空摧殘齊賢曰

護趙楚魏燕之兵以伐齊破之下齊七十餘

城獨莒即墨未服會昭王死子立為燕惠王

王自為太子時嘗不快於樂毅齊田單聞之

縱反間於是惠王使騎劫代將而召樂毅毅

畏誅西降趙趙封毅於觀津號望諸君蘇秦

說燕文侯文侯資秦車馬金帛以至趙說趙

肅侯肅侯乃飾車百乘黃金千鎰白璧百雙

錦繡千純以約諸侯於是說韓宣惠王曰鄙

能事秦敬奉社稷以從

諺曰寧為鷄口無為牛後今西面交臂而臣

事秦何異於牛後韓主攘臂瞋目按劍仰天

太息曰寡人雖不肖必不

能事秦敬奉社稷以從

書情贈蔡舍人雄

嘗高謝太傅携妓東山門楚舞醉碧雲吳歌

斷清猿暫因蒼生起談笑安黎元余亦愛此

人丹霄冀飛翻齊賢曰符堅百萬入寇安石

敗於淝水因以亡國用謝玄謝石等拒之符堅大

言白璧竟何辜青蠅遂成冤一朝去京國十

載客梁園猛犬吠九關殺人憤精寃齊賢曰青蠅刺

也讒皇穹雪冤枉白日開昏氛太階得夔龍桃

李蒲中原倒海索明月凌山採芳蓀愧無橫

草功虛負雨露恩跡謝雲臺閣心隨天馬鞍

士贇曰楚詞注曰蓀香草也漢終軍曰軍無橫草之功後漢顯宗追感前世功臣乃圖畫

二十八將於南宮雲臺王天子王佐才而今

復誰論層飈振六翮不日思騰騫我縱五湖

棹煙濤恣崩奔夢釣子陵湍英風緬猶存彼

希客星隱弱植不足援千里一回首萬里一

長歌黃鶴不復來清風愁柰何舟浮瀟湘月

山倒洞庭波投汨笑古人臨濠得天和閑時

田畝中搔背牧雞鵝別離解相訪應在武陵

多士贇曰應劭曰汨水在羅故曰汨羅正義曰羅城縣在湘陰縣東北六十里縣北有

汨水汨音覓淮南子曰顏回天死季由植於衛皆迫於性命之情而不得天和者也

憶襄陽舊遊贈馬少府巨

昔為大堤客曾上山公樓開牕碧嶂蒲拂鏡

滄江流高冠佩雄劍長揖韓荊州此地別夫

子今來思舊遊齊賢曰大堤在襄陽晉永嘉三年山簡出鎮襄陽故有山

谷樓太白與韓荊州書曰天下談士相聚而言曰生不用封萬戶侯但願一識韓荊州何

令人之景慕一至於此耶又曰願開張心顏不以長揖見拒朱顏君未老

白髮我先秋壯志恐蹉跎功名若雲浮歸心

結遠夢落日懸春愁空思羊叔子墮淚峴山

頭士贊曰羊叔子事見前卷

對雪獻從兄虞城宰

昨夜梁園裏弟寒兄不知庭前看玉樹腸斷

憶連枝士贊曰梁園雪事見前卷註

訪道安陵遇蓋還為余造真籙臨別

留贈蓋音

清水見白石仙人識青童安陵蓋夫子十歲

與天通士贊曰安陵屬右扶風懸河與微言談論安可

窮能令二千石撫背驚神聰揮毫贈新詩高

價掩山東至今平原客感激慕清風齊賢曰山東太

行山之東也士贊曰晉郭象好老莊能清言
王衍每云聽郭象語如懸河瀉水注而不竭

學道北海仙傳書藥珠宮丹田了玉闕白日

思雲空為我草真錄天人慙妙工七元洞豁

落八角輝星虹齊賢曰黃庭內景經云閑居

浮沉閑鎖訣曰臍下一寸三分為丹田丹田

者鼎器也日晶月華入鼎成丹又曰玉樓臺

是喉嚨結嚨關是胸臆絳宮是心士贊曰西

昇經老君謂尹喜曰吾將汝上朝玉宸遊歷

帝鄉作是語已遂徧歷九天上升上清玉闕

丹城藥珠宮白日思雲空者飄飄然有凌雲

氣遊天地間志也後魏道釋志泰常二年丁

巳老君再降賜道士寇謙之符錄七十卷真

玉錄一卷上元者道家所謂北斗七星元星君

也豁落者所謂豁落斗也按靈書紫文二十

四事內有神虎金虎消魔豁落流金之章三

洞真經曰真文者五方真炁之精疑結成文

八角垂芒或為雲篆三災蕩璿璣蛟龍翼微

之形或成走獸之狀三災蕩璿璣蛟龍翼微

躬舉手謝天地虛無齊始終黃金滿高堂答

荷難克充士贊曰馬融云日月星辰皆以璿

璣玉衡度知其盈縮進退莊子恬

淡寂寞虛無無為此天地之平而道德之篤

也又萬物一齊孰長孰短道無終始物有死

生下笑世上士沉寃北羅艷昔日萬乘墳今

成一科蓬贈言若何重實此輕華嵩齊賢曰

涪州艷

都觀乃北都羅鄩所治名平都福地內經曰
下離塵境上界玉京注云玉京無為之天三
十二帝之都玉京之下乃崑崙北都羅鄩北
帝三十六洞所居士贊曰玉格曰羅鄩山在
北方癸地周廻三萬里高二千六百里
是為六天鬼神之官人死皆至其中

贈崔郎中之金陵

胡鴈樓海翼翱翔鳴素秋驚雲辭沙朔飄蕩

迷河洲齊賢曰時宗之謫官金陵故有此贈有如飛蓬人去逐

萬里遊登高望浮雲彷彿如舊丘齊賢曰商君書飛蓬

遇飄風而行千里乘風之勢也日從海傍沒水向天邊流長

可求仲尼七十說歷聘莫見收魯連逃千金

珪組豈可酬齊賢曰孔子歷聘七十餘國而不遇士贊曰史記平原君欲封

魯仲連爵及以千金為魯仲連壽仲連辭讓不受遂辭去終身不復見時哉苟

不會草木為我儔希君同携手長往南山幽

贈崔諮議

綠驥本天馬素非伏櫪駒長嘶向清風倏忽

凌九區何言西北至却走東南隅世道有翻

覆前期難豫圖希君一剪拂猶可騁中衢

贈昇州王使君忠臣

六代帝王國三吳佳麗城賢人當重寄天子
借高名巨海一邊靜長江萬里清應須救趙

策未肯棄侯羸

齊賢曰唐昇州六代吳晉宋齊梁陳所都出謝朓詩江南

佳麗地金陵帝王州昇州東極于海西帶長江至于岷山士贇曰吳郡吳興丹陽為三吳丹陽即今建康府侯羸教公子無忌救趙事見三卷註

贈別從甥高五

魚目高太山不如一璵璠賢甥即明日聲價

動天門能成吾宅相不減魏陽元自顧寡籌

略功名安所存

齊賢曰晉魏好字陽元少孤為外家甯氏所養甯氏起宅

相宅者曰當出貴甥外祖母以盛氏甥少而惠意謂應之好曰當為外氏成此宅相後為司徒士贇曰杜預曰璠璵美玉也西京賦注閶闔天門也立高闕以象天門

思一擲如繩繫窮後櫪中駿馬空堂上醉人

喧黃金久已罄為報故交恩

齊賢曰李充為諸哀參軍以貧

求外稟問之對曰窮猿投村豈暇擇木乃聞除剡溪令士贇曰劉裕五木事見三卷註
君隴西行使我清心魂與爾共飄飄雪天各

飛翻江水流或卷此心難具論貧家羞好客

語拙覺辭繁三朝空錯暮對飯却慚冤齊賢曰唐

渭州隴西郡隴西縣三朝謂歲朝月朝日朝也自笑我非夫生事多

契闊積蓄萬古憤向誰得開豁天地一浮雲

此身乃毫末忽見無端倪太虛可包括齊賢曰非

夫非丈夫也士贊曰顏師古曰豁然開大之貌去去何足道臨岐空

復愁肝膽不楚越山河亦衾裯雲龍將相從

明主會見收成功解相訪流水桃花流齊賢曰莊

子仲尼謂季常曰自其異者視之肝膽楚越也易曰雲從龍風從虎

贈裴司馬

翡翠黃金縷綉成歌舞衣若無雲間月誰可

比光輝秀色一如此多為衆女譏君恩移昔

愛失寵秋風歸愁苦不窺鄰泣上流黃機天

寒素手冷夜長燭復微十日不滿匹鬢蓬亂

若絲猶是可憐人容華世中稀向君發皓齒

顧我莫相違

叙舊贈江陽宰陸調

太伯讓天下仲雍揚波濤清風蕩萬古跡與

星辰高開吳食東溟陸氏世英髦齊賢曰史吳太伯弟

仲雍皆周太王之子而季歷之兄歷賢而有聖子昌太王欲立季歷而及昌於是太伯仲

雍二人乃奔荆蠻文身斷髮示不可用以避季歷季歷果立是為王季而昌為文王太伯

之奔荆蠻自號勾吳荆蠻義之從而歸之者千餘家立為吳太伯太伯卒無子弟仲雍立

仲雍卒子季簡立季簡卒子叔達立叔達卒子周章立是時武王克殷求太伯仲雍之後

得周章于吳因而封之乃封周章弟虞仲於周之北故夏墟是為虞仲列為諸侯後漢陸

闕字子春會稽吳人建武中為尚書令子績字志源幼孤仕郡戶曹史刺史行部辟為別

駕從事子康字季寧以義烈稱舉茂才轉守桂陽安樂二郡子績仕吳為鬱林太守調其

後也至唐世居姑蘇其門有巨石遠祖績罷鬱林守舟輕不可越海馭石為重號鬱林石

世保其居多君秉古節嶽立冠人曹風流少年時

京洛事遊遨腰間延陵劍玉帶明珠袍我昔

鬪雞徒連延五陵豪邀遮相組織呵嚇來煎

熬齊賢曰延陵劍鬪雞及五陵豪並見前卷君開萬叢人鞍馬皆

辟易告急清憲臺脫余北門厄間宰江陽邑

剪棘樹蘭芳城門何肅穆五月輝秋霜好鳥
集珍木高才列華堂時從府中歸絲管儼成
行但苦隔遠道無由共銜觴齊賢曰御史臺
曰憲臺詩北門
刺不得志也言衛之忠臣不得其志耳鄭氏
牋云君不知已志而遇困苦唐志揚州江陽
縣江北荷花開江南楊梅鮮掛席拾海月乘
風下長川多沽新豐醪蒲載剡溪船中途不
遇人直到爾門前大笑同一醉取樂平生年
齊賢曰楊梅其實似穀而有
核其味酢新豐醪見前卷註

贈從孫義興宰銘

天子思茂宰天枝得英才朗然清秋月獨出
映吳臺落筆生綺繡操刀振風雷夔屈雖百

里鵬騫望三台

齊賢曰唐常州義興縣在州
西南吳王闔閭起臺於姑蘇

故曰吳臺晉志三台六星兩兩而居起文昌
列抵太微三公之位也王贊曰秋月乃喻其
清明也風雷喻
其政令之嚴也退食無外事琴堂向山開綠

水寂以閑白雲有時來河陽富竒藻彭澤縱
名杯所恨不見之猶如仰昭回齊賢曰文子
賤為單父宰

彈琴不下堂而單父治故後世以宰之室為
琴堂潘岳為河陽令潘尼贈詩云流聲馥秋
蘭摘藻豐春華陶潛為彭澤令性嗜酒家貧
不能常得親舊或置酒招之造飲必醉世說
戴安道年十餘歲在瓦觀寺畫王長史見之
曰此童非徒能畫亦終當致名恨吾老不見
其盛耳元惡皆滔天疲人散幽草驚川無活鱗
時耳舉邑罕遺老誓雪會稽耻將奔宛陵道
齊賢曰越王勾踐栖於會稽吳王追而圍之乃令大夫種行成吳卒赦越勾踐反國置膽於坐卧即仰膽飲食亦嘗膽曰汝忘會稽之耻耶唐宣州南陵縣有宛陵士贊曰滔漫也貌象恭敬而心狠傲若漫天然亞相素所重投刃應桑林獨坐傷

激揚神融一開襟絃歌欣再理和樂醉人心

蠹政除害馬傾巢有歸禽壺漿候君來聚舞

若謳吟農人棄蓑笠蠶女墮簪纓歡笑相拜

賀則知惠愛深齊賢曰太白自注云亞相李公重之以能政中丞李公免

罷以後官則義興嘗以事去縣因二公而復職也桑林舞名也組屬於弁垂頭而下結之謂之纓纓之垂者謂委笄卷髮者今之簪也士贊曰莊子黃帝將見大隗乎且英之山適遇牧馬童子而問塗焉黃帝曰異哉請問為天下小童辭黃帝又問小童曰夫為天下者何以異夫牧馬者哉亦去其害馬者而已矣黃帝再拜稱天師而退列子至德之世禽獸

可繫羈而遊鳥鵲之巢可攀援而闕此言歷
毀巢者喻室家已破而民樂蠹政之除

職吾所聞稱賢爾為最化治一邦上名馳三

江外峻節貫雲霄通方堪遠大能文變風俗

好客留軒蓋他日一來遊因之嚴光瀨齊賢曰漢

文翁為蜀郡守見蜀地僻陋有蠻夷風乃脩起學宮於成都市招下縣子弟以為學宮子弟為除便繇高者補吏次為孝弟力田由是大化洽於京師者皆比齊魯焉至今巴蜀好文雅文翁之化也

嚴光瀨隸屬永州

嚴光瀨隸屬永州

草創大還贈柳官迪

天地為橐籥周流行太易齊賢曰管子曰天

子天瑞篇有形者生於無形則天地安從生故有太易有太初太易者未見氣也太初者

氣之始也造化合元符交媾騰精魄自然成妙用

孰知其指的齊賢曰易曰男女媾精萬物化

交媾之時剛柔相結而不可解得其節羅絡

符非有功巧以制御之本在交媾定制

四季間綿微無一隙日月更出沒雙光豈云

隻齊賢曰參同契曰坎戊日精离巳月光日

地媾其精日月相揮持姤女乘河車黃金充轆軛齊賢曰抱

朴子曰丹砂可為黃金河車可作銀子得其
道可以仙身士贊曰參同契曰河上姤女靈
而最神得火則飛不見埃塵後漢漢真君執
歌曰北方正氣名河車朱雀調運生金花執
樞相管轄士贊曰古文龍虎經曰神室有所
為樞象奚子為形容五嶽峙潛洞際會
摧伏傷羽翮朱鳥張炎威白虎守本宅

相煎成苦老消鑠凝津液齊賢曰朱鳥屬火

肘津液者華池神水也士贊曰此所謂相煎
者即參同契所謂升熬於甑山苦老教聲
下譎譎鼎馳沸苦老教聲
甚悲苦老教聲
之老嫩悉鉛汞苦老教聲
相制并之道耳苦老教聲
髮髯明牕塵死灰同至寂擣

冶入赤色十二周律曆赫然稱大還與道本

無隔士贊曰參同契連土文云歲月將欲終

擣冶并合之馳入赤色門固塞其際會務令
致完堅炎火張於下晝夜聲正勤始文使可
修終竟武乃陳候視如謹慎審察調寒温周
旋十二節節盡更親觀氣素命將絕體死土
鬼竟色轉更為紫赫然成還丹粉提以一丸
刀圭最為神又曰陰陽相飲食交感道自然
名者以定情字者以性言白曰可撫弄清都
金木歸本初乃得稱還丹

在咫尺北酆落死名南斗上生籍齊賢曰北

前晉天文志南斗六星天廡也丞相太宰之
位一曰天機南二星魁天梁也中央二星天

相也北二天府庭也亦為臺命之期士贊曰
道藏經云東斗主筭西斗記名北斗落死南
斗上生中斗大魁總監眾靈又晉于寶搜神
記曰管輅字公明善解諸術至中原見趙顏
貌主天亡而嘆顏奔告父父乃求輅延命輅
曰子歸覓請酒一榼鹿脯二斤吾卯日必至
君家且方便求請其父覓酒脯而候之輅果
至語顏曰汝那日刈麥地甫大桑樹下有二
人圍碁次汝但一邊斟蒲盞置脯於前飲盡
更斟以盡為度若問汝但拜之勿言必合有
人救汝顏依言而往見二人圍碁顏置脯斟
酒於前其人貪戲而飲酒食脯不顧飲數巡
北邊坐者忽見顏在叱曰何故在此顏雅拜
之南面坐者人語曰適來飲他酒脯寧無請
乎北邊坐者曰文書已定南邊坐人曰借文
書看之見趙子壽可十九歲乃取筆挑上語

顏曰救汝至九十年活顏拜而回管語顏曰
大助子喜且得增壽北邊坐人是北斗南邊
坐人是南斗南斗注生北斗注死凡抑予是
人受胎嘗從南斗祈福皆向北斗

何者身在方士格才術信縱橫世途自輕擲

齊賢曰方士方外之士也士贊曰吾求仙棄

俗君曉損勝益不向金闕遊思為玉皇客鸞

車速風電龍騎無鞭策一舉上九天相携同

所適齊賢曰五星經云天上白玉京黃金闕

龍或棄神洲而宅蓬瀛士贊曰金闕猶朝廷之上也玉皇客仙者也

贈崔司戶文昆季

雙珠出海底俱是連城珍明月兩特達餘輝

傍照人士贊曰晉書張載傳和璧之在荆山隋珠之潛重川非遇其人焉有連城

之名乎之價照車英聲振名都高價動殊鄰豈伊箕

山故特以風期親惟昔不自媒擔簦西入秦

攀龍九天上忝列歲星臣士贊曰史孟嘗君傳云馮驩曰天下

之游士憑軾結鞞西入秦者無不欲強秦而

弱齊列仙傳東方朔久在吳中為書師數十

年武帝時上書拜為郎至昭帝時時人或謂

聖或謂凡人作深淺顯默之行或忠言或武

諫莫知其旨至宣帝時初棄郎以避亂世

積官舍風飄之而去後見於會稽賣藥五湖

智者疑其歲星精也也簞笠之有柄者布衣侍丹墀密勿草絲綸

才微惠渥重讒巧生緇磷士贊曰此四句太白自述一去

已十年今來復盈旬清霜入曉髮白露生衣

巾側見綠水亭開門列華茵千金散義士四

坐無凡賓欲折月中桂特為寒者薪路傍已

竊笑天路將何因士贊曰異書言月桂高五百丈下有一人常斫之樹

創隨合人姓吳名剛西河垂恩儻丘山報德

有微身

贈溧陽宋少府陟

李斯來相秦且逐東門兔宋玉事襄王能為

高唐賦常聞綠水曲忽此相逢遇掃洒青天

開豁然披雲霧齊賢曰綠水舞曲也士贇曰李斯事及宋玉事見前卷

歲蕤紫鸞鳥巢在崑山樹驚風西北吹飛落

南溟去齊賢曰瑞應圖曰鸞者赤神之精崑山即崑崙山有鳳巢其樹士贇曰歲

其羽早懷經濟策特受龍顏顧白玉樓青蠅

君臣忽行路齊賢曰漢高祖隆準而龍顏青蠅點白為黑以喻讒人指正為

邪人生感分義貴欲呈丹素何日清中原相

期廓天步齊賢曰丹素心也士贇曰莊子以道觀分而君臣之義明

戲贈鄭溧陽齊賢曰唐并州江寧郡溧陽縣嘗隸宣州

陶令日日醉不知五柳春素琴本無絃漉酒

用葛巾清風北牕下自謂羲皇人何時到溧

里一見平生親齊賢曰南史陶潛字淵明尋陽柴桑人宅邊有五柳樹嘗

著五柳先生傳性嗜酒或置酒招之造飲輒醉不解音聲而畜素琴一張每有酒適輕撫

弄以寄意逢其酒熟取頭上葛巾漉酒訖還
着之嘗言五六月北牕下涼風暫至自謂羲
皇上人栗里在尋陽淵明所居處

贈僧崖公

昔在朗陵東學禪白眉空大地了鏡徹迴於

寄輪風攬彼造化力持為我神通齊賢曰蜀

季常兄弟五人並有才名鄉里諺曰馬氏五
常白眉最良良眉中有白毛也四祖與法融
禪師曰神通變化悉自具足不離汝心士贇
曰楞嚴經云汝觀地性麗為天地經為微混
以云相待成搖故有風輪執持世晚謁太山
界從妄見生山河大地諸有為相

君親見日沒雲中夜卧山月拂衣迹人群授

余金仙道曠劫未始聞齊賢曰第一祖迦葉
父飲澤母香志昔為

煨金帥於畔婆尸佛八涅槃後四象起塔塔
中像面上金色有少缺葉時有貧女將金珠
飾佛面因共發願願我二人為無累夫妻由
是因緣四十一劫身皆金色後生楚天壽盡
生中天摩竭陀國娑羅門家名曰迦葉波此
云飲光勝尊蓋以金色為號也故飲稱金仙
儒謂之世道謂之切冥機發天光獨朗謝垢氛虛
之塵佛謂之切

舟不繫物觀化遊江濱齊賢曰莊子泰宇定
者發乎天光發乎天

者人見其人士贇曰爾雅注大水溢出別為
小水為瀆故詩有汝瀆淮瀆此三江瀆者江

水別出江濱遇同聲道崖乃僧英說法動海

嶽游方化公卿手秉玉塵尾如登白樓亭微

言注百川疊疊信可聽齊賢曰會稽記曰玉樓亭在會稽山陰臨

流映一風鼓群有萬籟各自鳴啓閉八牕牖

託宿掣電霆自言歷天台搏壁躡翠屏凌兢

石橋去恍惚入青冥齊賢曰莊子南郭子綦曰大塊噫氣其名爲風

是爲無作作則萬竅怒號子游曰地籟則衆

竅是已人籟則比竹是已會稽記赤城山上

有石橋懸度有石橋風橫絕其上邊有過徑

裁容數人顧愷之啓蒙記天台山石橋路徑

不盈尺長數十步至滑下臨絕冥之澗清冥

太清又雲也士贇曰陰陽相感而爲雷激而

爲霆霆電也服虔曰凌兢恐懼也昔在今來

師古曰凌兢者寒涼戰慄之處

歸絕景無不經何日更携手乘杯向蓬瀛齊賢

曰杯度者不知姓名嘗乘木杯渡水嘗宿一

家竊一金激去主人追至孟津浮木杯渡河

遊溧陽北湖亭望瓦屋山懷古贈同

旅一云贈孟浩然士贇曰懷古者感貞義女墳之事也

朝登北湖亭遙望瓦屋山天清白露下始覺

秋風還齊賢曰唐昇州溧陽縣上元二年州廢還隸宣州有湖山士贇曰禮記月

令孟秋之月涼風至白露降

遊子託主人仰觀眉睫間目

色送飛鴻邈然不可攀長吁相勸勉何事來

吳關聞有貞義女振窮漂水灣清光了在眼

白日如披顏高墳五六墩萃兀棲猛虎遺跡

翳九泉芳名動千古子胥昔乞食此女傾壺

漿運開展宿憤入楚鞭平王凜冽天地間聞

名若懷霜

士贊曰吳越春秋子胥奔吳到昭
關閔吏欲執之伍員因詐曰上所

以索我者美珠也今我已亡矣將去取之閔
吏因捨之追者在後幾不得脫至江有漁父

乘船渡之遂行至吳疾於中道乞食溧陽適

會女子擊綿於瀨水之上管中有飯子胥遇

之謂曰夫人可得一食乎女曰妾獨與母居

三十未嫁飯不可得子胥曰夫人振窮途少

飯亦何嫌哉女子知非常人遂許之發其篋

管飯其盜漿長跪與之子胥再食而止女子

曰君有遠逝之行何不飽而食之子胥既食

而去又謂女子曰俺夫人之壺漿無令其露

女子嘆曰嗟乎妾與母居三十年自守貞明
不願從適何宜饋飯而與丈夫越戲禮儀妾
不忍也子行矣子胥行反顧女子已自投於
瀨水矣於呼貞明執操其丈夫女哉棲猛虎
者謂墳如伏虎之狀猶馬鬣封之謂也子胥
破楚入郢以不得昭王乃掘平王之墓出其
屍鞭之三百左足踐腹右手抉其目誚之曰
誰使汝用讒諛之口殺我父兄豈不冤哉子

胥等既破楚還過溧陽瀨水之上乃長太息
曰吾嘗飢於此乞食於一女子女子餉我遂
投水而亡欲報以百金不知其家乃投金水
中而去有頃一老嫗行哭而來人問曰何哭
之悲嫗曰吾有女子守居三十不嫁往年擊
綿於此遇一窮途君子而輒飯之而恐事泄
自投於瀨水今聞伍君來不得其償自傷虛
死是故悲耳人曰子胥欲報百金不知其家
投金水中而去矣壯夫或未達十步九太行
老嫗遂取金而歸與君拂衣去萬里同翱翔
形容其所行不遂意也

醉後贈從甥高鎮

馬上相逢揖馬鞭客中相見客中憐欲邀擊

筑悲歌飲正值傾家無酒錢江東風光不借
人枉殺落花空自春黃金逐手快意盡昨日

破產今朝貧丈夫何事空嘯傲不如燒却頭

上巾

齊賢曰太白上安州裴長史書曰昔東

遊維揚不逾一年散金三十餘萬有落
君為進士不得進

我被秋霜生旅髮時清不及英豪人三尺童

兒重廉藺匣中盤劒裝鰭魚閑在腰間未用

渠且將換酒與君醉醉歸託宿吳專諸

齊賢曰進

士科始隋大業中盛於唐正觀永徽之間其
推引則曰白衣公卿其艱難則曰三十老明
經五十少進士廉蔣廉頗藺相如鮪倉合切
又音錯專諸刺客也棠邑人伍子胥自楚亡
吳知專諸之能進於公子光王
贊曰此太白少年任俠之作也

贈秋浦柳少府

秋浦舊蕭索公庭人吏稀因君樹桃李此地
忽芳菲搖筆望白雲開簾當翠微時來引山
月縱酒酣清暉而我愛夫子淹留未忍歸齊賢

曰唐秋浦隸池州爾雅山未及上曰翠微

贈崔秋浦三首

吾愛崔秋浦宛然陶令風門前五楊柳井上
二梧桐山鳥下聽事簷花落酒中懷君未忍
去惆悵意無窮

其二

崔令學陶令北牕常晝眠抱琴時弄月取意
任無絃見客但傾酒為官不愛錢王贊曰此
本卷前東臯春事起種黍早歸田王贊曰唐
詩註

王通之弟王績字無功絳州人性簡放不喜拜揖隋大業中舉孝悌廉潔授秘書正字不樂在朝求為六合丞以嗜酒不任事乃還鄉里績有奴婢數人種黍春秋釀酒養鳧鴈蒔藥草常遊北山東

其三

河陽花作縣秋浦玉為人地逐名賢好風隨
惠化春水從天漢落山逼盡屏新應念金門

客投沙弔楚臣

齊賢曰晉書潘岳為河陽令植桃李人號河陽一縣花水從天漢落者九華山之瀑布太白嘗待詔金鑿故曰金門客賈誼渡湘水為賦以弔屈原

王贊曰地逐名賢好者興在上兩句謂秋浦得崔令而好猶河陽得岳陽而宿亦猶晉書所呼臯長岩為許度岩之類也師古曰天漢河漢也

望九華贈青陽韋仲堪

昔在九江上遙觀九華峯天河掛綠水秀出

九芙蓉

齊賢曰九華山隸池州舊名九子山九華山錄曰清陽縣坤隅一舍有山奇秀其數有九故號九子山李太白更其號曰九華山我欲一揮手誰

人可相從君為東道主於此卧雲松

